

六藝之一錄



欽定四庫全書

六藝之一錄卷三十五

石刻文字十一

漢蒼頡廟碑

錢唐倪濤撰

右漢蒼頡廟碑文字殘闕其畧可辨者有云蒼頡天

生德於大聖四日靈光為百王作憲而其銘曰穆穆

聖蒼知為蒼頡碑也考其歲月蓋熹平六年立

光和二年又三年未詳

金石錄

金石錄

蒼頡廟碑人名

右漢蒼頡廟人名歐陽公集古錄云此碑有蓮勺左鄉有秩池陽左鄉有秩池陽集水有秩皆不知是何名號又有夏陽候長祿相候長則是縣吏之名其隸字不甚精又無事實可考姑疑其名號以俟知者爾按前漢書張敞以鄉有秩補太守卒吏後漢書百官志鄉置有秩三老游徼本注曰有秩郡所置秩百石掌一鄉人注引漢官儀曰鄉戶五千則置有秩風俗通

曰秩則田間大夫言其官裁有秩耳然則有秩蓋亦

鄉吏名也

金石錄

延熹五年未詳

金石錄

平陽堯廟碑

汾水南逕平陽縣故城水側有堯廟前有碑魏土地
記曰平陽城東十里汾水東原上有小臺臺上有堯

神屋石碑

水經注

濟陰太守孟郁脩堯廟碑

集古錄作堯祠祈雨碑

漢永康元年缺月

缺

惟昔帝堯聖德慶苞弘號赫赫

蕩蕩垂基赤精之胄為漢始別陵氣炎媪上交倉玄魏

魏之盛軋川見徵敬循宗璧長吏奉祠三牲粢饌獻珍

于時俵著燁銘宣颺厥休弓招禎祥萬缺是來鴻名遂

顯傳于千秋

濟陰太守河南匡師孟府君諱郁字敬達治尚書經博

覽衆文天姿瑋度體性溫仁闢極道之要妙游觀六藝

之原撈旋機之政務在濟民歷典六郡威教若神遺訓

垂歌淵懿允純功績煥炳思如浩倉咨招巖而股肱賢
良廣祈多福震震夙興聞堯帝陵在成陽遣戶曹掾史
具中宰祠常以甲子曰與西宮樂生俱詣大聖陳上古
之禮舞先王之樂鞀磬祝圀五音缺之儀莫不

盡備歌列技甄以榮大聖延熹十年仲春二月陽氣侵

陰始字缺來享祀羣神仰瞻雲漢孟府君奉宣詔書行

縣到成陽將辭帝堯行禮未周則景雲四集翔風膏雨

即時大降嘉澍優沾利茂萬物陰陽和協百姓賴福是

時缺

欣然缺

悅諸產繁殖倉庾充塞孟府君深惟嚮

應效之經典知聖堯精靈與天道神循治

缺壁地致堵

瑚石闌二竺

缺

昭配帝圖象規矩五

缺

畫上下相承

無所遺失陟互旌密有珽道之巧使府內百石缺城吳

諱升字三君守衛園陵興置屋

缺

詔書大祠升與縣令

丞恭奉肅敬齊絜炊爨莫不雍雍列種栢樹吏卒養護

南通靈臺東注城域委曲內而墀然世望圖紀萬

缺功

驗永著時令河南河南呂君諱亮字元山宰政宣化慈

惠博覆為藜元來福奉事大聖司司不解垂拱無為如
治其允君也丞河內州王諱萇字伯盛左尉潁川潁陽

缺

諱恂字世高皆關綜睢莒通運度洞詢于上下儼然

同謀曰孟府君飭沿大壁自率掾史

缺

駐駕便坐南

北

缺

望內相副赫如屋楮蘭然成就孟府君必受大聖

嘉福公侯傳子孫濟陰吏士歌術功稱萬世常存成陽

丞民蒙其榮賜

缺

訓發聲呂君諸辟干祿于天令裕行

寧亦汜无窮惟序仲氏祖統所出本繼於姬周之遺苗

天生仲山甫翼佐中興宣平功遂受封於齊周道衰微
失爵亡邦後嗣乖散各相土譯居帝堯崩地生長蔡陵
在於成陽聖化常存慕魏魏之盛樂風信之美遂安處
基業屬都鄉高相里曰氏仲焉以傳于今子孫承緒履
仁好義耽樂道術教授經業雅徒帶衆滋滋汲汲誨人
不倦海內稱之曰鴻術之宗天監孔明作善應缺印緇
相承銀艾不絕稟性乾元世世廉約故能高如不危滿
如不溢孟府君繕飭墻立百石舍仲氏宗家共作大

壑前石礪階陛櫺櫺貧富相扶會計欣懽不謀同辭錢
應時即具招互募石燁然俱至各進琦巧不日成之詔
書九月三往大祠諸所造作煥然成艱仲氏宗家並受
福賜復刊碑勒誅昭示來世俵著益府君美勛於陽昧
紀祖壘所出閱四官位宦學皆不可測子子孫孫必蒙

大聖休烈之福以勸後進昌熾無極

右濟陰太守孟郁修堯廟碑漢威宗永康元年立記
是歲春陽為沴孟府君行縣謁廟即獲膏雨以聖堯

靈與天通遂繕治大殿成陽令呂亮丞王萇率掾史
佐之仲氏宗家共作殿前石礪階陛欄楯九月之間
詔書三祠作文者既褒揚守令丞尉治效繼叙仲氏
得姓業儒之美也杜欽傳云仲山父異姓之臣無親
於宣就封於齊鄧展晉灼云山甫銜命往治齊城韓
詩誤以為封而欽引之顏師古云韓詩既有明文未
得專非杜氏此碑云山甫就封於齊周衰失爵後嗣
遂居成陽蓋同韓杜之說碑云地致璠瑚石闌二坐

圖象規矩工巧精密以為神物之靈商君傳持牙而
操闔戟闔音槍字書槍與榻同此蓋借闔為槍借璠
瑚為璠瑚言其石之似玉也此碑假借字如旋機為
璇機祝圖為祝啟之類甚多

俵為表浩倉為昊蒼拒為規旌為精自為周藜為
黎蘭為爛歌術為歌述辟為壁滋滋為孳孳屋楮
為渥赭漉為儒紉為紱燁即輝字欄楯即欄楯字
璽即禡字又厂之類多从广

其中乾川與頽川字相類雖家語有乾川猶天淵也

然隸書未嘗有坤字此乃乾坤爾其曰無為如治

高如不危者用春秋星隕如雨之法它皆類此

洪逆
隸釋

右漢堯祠祈雨碑首尾殘滅其僅可識者有云股肱

賢良廣祈多福虔虔夙夜又云常以甲子日昭太常

陳上古之禮舜先王之樂又云延熹十年陽氣侵陰

又云享祀羣神仰瞻雲漢又云嘉澍優霑利茂萬物

又云孟府君知堯精靈與天通神修治大殿以此知

為祈雨於堯祠也堯祠在漢為濟陰郡府君者當是
濟陰郡太守也其餘隸字完者頗多亦往往成句但
斷續不可次序爾

集古錄

右孟府君堯祠祈雨碑隸書不著書撰人名氏碑以

延熹中立在曹州濟陰

集古錄目

延熹十年有碑陰

金石略

帝堯碑

帝堯者蓋替世之聖王也其先出自塊隗翼火之精有

神龍首出於常羊

缺

生赤

缺

也名紀見乎河雒爰嗣八九慶都與

赤龍交而生伊堯及堯之生也

不缺凡等句缺

龍顏

缺

角眉

缺

八采謖自侯伯遊於玄河之上

龍龜負銜投鈔授與然後堯乃受命蜀鹿

缺

秉圖書察度表御九州統

屬理聞名應却五緯順畧然後風化大洽普天

缺

不

缺

功成告讓遂禪愛黃聖漢

龍興續堯之緒祠以上犧暨于亡新祀漢之業禮祠缺

祀缺是故廷尉卿缺以為大聖親垂隆烈

遺歌在民而壇場夷替屏幘無位非所以表神聖缺

民者缺焉缺復舊典造立虛廟以

一大宰春秋秩祠是以好道之疇自遠方集或弦琴缺

一或譚缺歷丹田缺疴者埒恭祈福即獲

祚若不更恪輒赴真故知至德之宅地實真聖之祖也
熹平四年冬十二月濟陰太守河南張寵丞潁川李政

成陽令陳國鄭真故鉅鹿太守仲訢故廣宗長仲選故

呂長仲球 缺承缺

百石已氏

讓禮等咸各有惟迨慕聖烈乃共立壇墀刊碑紀石已

章聖德 缺後缺

有 下闕

於赫大聖奕孔禎純性發蘭石生自馥芬琦表射出雙

握嘉文排啓闡闔馳步 缺

順叙五品用訓民不作忒化洽百蠻歷運遭七乃禪愛

焉功綿日月名勒管弦立靈廟宇 缺 休神 缺

釐于湘黔民億不殍于社無沂故濟陰太守

劉邵字季承漁陽泉州人也自以體別枝各堯之裔曾

下車出奉缺萬為祠猷弱缺至於邕旦

特復五百稱玄玄孫以叙嘉敬舊祠屬縣君以為奉事

神聖禮愛當缺宜崇祖濯以汁缺勅縣缺設供

曹掾史令養牲儀即堯陵廟神亨靈洞軟已嘉瑞李樹

連理生於堯缺圖缺府殿夙早缺拜遷缺中大夫後太

守河南張寵鑿擬前緒到官始初出錢二千敬致禮祠

臨立壇碑特復

漢

羣缺

為缺

始缺

學徒莫不勸樂咸曰張父敦我己德厲我己仁將獲

頑應齊風前人鸞皇

缺

解將悉臻矣密勿匪休將悉至矣熹平四

年十二月十日癸卯立時將作吏胡能守堯掾仇伯爰

缺

掾成缺

余

右帝堯碑篆額靈帝熹平四年立帝王世紀曰炎帝
一曰魁隗氏此云塊隗者猶已犧之為伏羲也春秋

緯曰慶都出觀三河有赤龍負圖下有人衣赤面八
采光上豐下足履翼星奄然風雨龍與慶都合而有
娠既乳視堯如圖表茲所謂翼火之精也炎帝傳八
世故曰爰嗣八九堯在位七十載故曰歷運遭七蔡
邕集有王子喬碑凡六十字與此同其間云或弦琴
以歌太一或譚思以歷丹田其有集疴疋瘵者靜躬
祈福即獲其祚正此碑之闕文也漢刻載脩廟及表
墓人所費有出錢百者張寵到郡以二千祠堯此遂

夸而書之可見漢代錢重如此今物價翔踊錢日益少非有術以權之使子母重輕略能做古則不足之患未易拯也

隸釋

碑以菜為采懾為攝亦汁為叶闡為閭沂為

垠希即布字籒即繼字

全上

右漢堯祠碑在濟陰碑云帝堯者蓋昔世之聖王也又曰聖漢龍興纂堯之緒祠以上儀至於王莽絕漢之業而壇場夷替屏攝

真蹟作攝

無位大抵文字磨滅字

雖可見而不復成文其後有云李樹連理生於堯祠
太守河南張寵到官始初出錢二千敬致禮祠其餘
不能讀也碑後有年月蓋熹平四年建也治平元年

五月晦日書

集古錄

右隸書不著書撰人名氏文字漫滅者多其略曰漢

纂堯之緒祠以上犧王莽僭漢壇場夷替又曰舊典

造立靈廟以一太牢春秋秩祠陳國鄭

下一字缺

故太守

仲又廣宗長仲選共立壇墀刊碑紀德季木連理生

於堯祠太守河南張寵繼擬前緒以錢二千敬致禮

祠臨立壇碑時熹平四年也碑在濟陰

歐陽棐集
古錄目

右帝堯碑云帝堯者昔世之聖王也其先出自塊隗

翼火之精有神龍首出於常羊又云名紀見乎河雒

爰嗣八九慶都與赤龍交而生伊堯又云侯伯遊於

玄河之上龍龜負銜投銓受與然後堯乃受命其說

出於讖緯可謂怪妄不經堯之所以為聖者豈假此

而已哉

金石錄

熹平四年有碑陰

金石略

堯陵碑

地理志曰成陽有堯冢靈臺今成陽城西二里有堯陵陵南一里有堯母慶都陵於城為西南稱曰靈都鄉曰崇仁邑號脩義皆立廟四周列水潭而不流水澤通泉泉不耗竭至豐魚笱不敢採捕前並列數碑栝柏數株檀馬成林二陵南北列馳道逕通皆以磚砌之尚修整堯陵東城西五十餘步有中山夫人祠

堯妃也石壁堦墀仍舊南西北三面長櫟聯映扶疎

里餘

水經注

成陽靈臺碑

六一題跋作
後漢堯母碑

惟帝堯母昔者慶都北舍穹精氏姓曰伊禮蘭石之操
履規矩之度則軋川之象通三光之曜游觀河濱感赤
龍交始生堯厥後堯來祖通慶都告以河龍堯歷三河
有龍授圖躬行聖政以育苗萌火陽之盛先閭後明遂
以侯伯述踐帝宮慶都僊歿蓋塋于茲欲人莫知名曰

園臺上立黃屋堯所奉祠下營以水神龍所烹園龜隱
刑汾踊波汴比目鮪魚濯鱗通泉空礫菟蠶生送臺涯
貫長歷久崇如缺 三代改易荒廢不循五運精還漢

受濡期興威繼絕如堯為之承祠基丰鮪魚復生故有
園臺畜夫魚肺衛仕驛憲鮪魚服之延壽缺 之際道

小衰沮遂遭亡新禋祠絕矣於是故迂尉仲定深惟大
漢隆盛德被四表大平未至園瑞未下四夷數侵軍甲
數擾匪皇啓居日禘不夏案經考典河洛祕奠漢感赤

龍堯之苗胄當循堯祠追遠復奮復沿治黃屋推原聖

意灾生變見天以譴告前後奏上陳叙大義招祥塞咎

為漢來祚朝廷克省帝納其謀歲以春秋奉大宰祠時

廷尉選位連自表奏詔英嘉命遂見聽缺為大中大

夫歸沼黃壘令月吉日圖立規箇興業會工廠燾夷平

上合天意下應缺飭五色革精上闕通天戶

嚮少陽前設大壑俟神之堂地跋石墀其下清涼可舞

儿缺以缺大章時濟陰太守魏郡留晃成陽令博陵管

遵各遣大掾輔助仲君經之營之不日成之神園精業
依怙於人廢之則亡在之則神復帥羣宗貧富相均共
慕市碑著立功訓缺勒石銘中門之表卜擇元日齋革
精誠先慶毛血謹慎犧牲祈祠獲福神享其廬甘雨時
降百穀孰成幽荒率服涂方來庭萬國蒙祉稔元賴榮
莫不被德咸歌頌聲其辭曰

於赫慶都德壘大方承神精耀統赤奮方爰生聖堯名
蓋世方上受荷命迓帝制方廣彼之恩不荒外方應紀

盈

盈字

千垂遺愛兮陵廟復崇享大祭兮上來多祐降福

沛兮萬國禧寧孰不賴兮光宣美勛亦缺幣兮垂視罔

極億萬歲兮

濟陰太守魏郡陰安留君諱晃字元讓從公車令來成

陽令博陵蠡吾管君諱遵字君臺從東明門司馬來丞

穎川新汲尹茂字伯舉遷下邳尉尉穎川襄城楊調字

君舉仲訢伯海從右中郎將遷鉅鹿太守仲球伯儀從

大尉掾遷呂長仲選孟高辟司徒府遷從不絕皆興沿

大聖黃屋之力

建寧五年五月造

右成陽靈臺碑篆額靈帝建寧五年立與堯廟二碑
在成陽皆有陰堯葬慶都于成陽名曰靈臺上立黃
屋為奉祠之所漢綴其祀至亡新而繼於是廷尉仲
定奏請興治郡守審冕縣令管遵各遣大掾助成之
案兩漢地志濟陰成陽有堯冢靈臺不明言靈臺為
堯冢冢也章帝紀元和二年使使者祠唐堯於成陽

靈臺注引郭緣生述征記曰成陽有堯陵陵南一里有堯母慶都陵稱曰靈臺据此則與碑合靈臺非堯冢明矣淮南子墜形訓載海外三十六國西北方有無繼民碓魚在其南注云碓魚如鯉魚有神靈者乘行九野碓讀如蚪字書砒或作鮮碓無鮓字也所謂鮓魚疑即此爾碑稱漢代脩祠之後鮓魚復生故有靈臺嗇夫魚師衛仕驛獻鮓魚服之延壽疑仕當讀為士憲當讀為獻也

錄釋

碑以不夏為不暇刑為形成為滅基為碁犂為黎

德彼廣彼為被逖即恢字迨即延字農即薦字

上全

右漢堯母碑漢建寧五年造其文略曰堯母慶都感

赤龍而生堯遂以侯伯恢踐帝

下有闕

慶都仙沒蓋葬

於茲欲人莫知名曰靈臺上立黃屋堯所奉祠三代

改易荒廢不修漢受濡期興滅繼絕如堯為之遂遭

亡新禮祠絕矣故廷尉

姓名磨滅不可讀矣

深惟大漢堯之苗

裔當修堯祠追遠復舊前後奏上帝納其謀歲以春

秋奉大牢祠時濟陰太守魏郡審晃成陽令博陵管
遵各遣大掾輔助

關一
字

君經之營之不日成之此其

大槩也按皇覽云堯塚在濟陰成陽呂氏春秋云堯
葬穀林皇甫謐曰穀林即成陽然自史記地志及水
經諸書無堯母葬處惟見於此碑蓋亦葬成陽也而
諸書俗本多為成陽獨此碑為成陽當以碑為正碑
後列當時人名氏又云審晃字元讓管遵字君臺又

云漢受濡期莫曉其義也

六一
題跋

右隸書不著書撰人名氏堯母慶都葬於成陽立黃

屋其上謂之靈臺歷代常奉祠之至王莽而絕後漢

故廷尉

碑缺
姓名

請於朝後立其廟及濟陰太守審晃脩

營之以建寧五年此碑在曹州濟陰

集古
錄目

右成陽靈臺碑成陽屬今雷澤碑略云堯母慶都僊

歿蓋葬于茲欲人不知名曰靈臺歐陽集古錄以謂

自史記地志及水經諸書皆無堯母葬處余按班固

西漢劉彤東漢書地里志皆曰成陽有堯冢靈臺而

東漢志章帝元和二年東巡狩將至泰山道使使者
奉一太牢祠帝堯於濟陰成陽靈臺與章帝紀所載
正同帝紀章懷太子注引郭緣生述征記云成陽縣
東南有堯母慶都墓上有祠廟堯母陵俗亦名靈臺
文母水經注今成陽城西二里有堯陵陵南一里有
堯母慶都陵於城為西南稱曰靈臺蓋兩漢史所載
似以靈臺為堯冢惟此碑與述征記水經迺直指為
堯母冢爾然水經云在成陽西南而述征云在東南

未知孰是又集古錄云諸書俗本多作城陽獨此碑
為成陽當以碑為正余嘗考之成陽縣名屬濟陰郡
城陽乃王國名漢文帝二年以封齊悼惠王子章者
漢志所載各異未嘗差誤也碑有廷尉某歐陽公以
為姓名摩滅不可讀今驗其缺處姓下隱隱有定字
知其名定而其後云濟陰太守審冕成陽令管遵各
遣大掾輔助仲君知其姓仲仲氏世為成陽人定有
墓在雷澤碑尚存其額題漢故廷尉仲君碑有云表

祠唐堯為漢祈福又云為廷尉卿託病乞歸脩堯靈
臺黃屋三十餘上聽拜太中大夫云 余為淄州同

官李堯雷澤人云冢正在城西南蓋述征記誤也

趙明

誠金
石錄

集古錄靈臺碑以為史記地志水經諸書皆無堯母
葬處予按漢章帝紀注引述征記云成陽縣東南有
堯母慶都墓上有廟祠又按水經注今成陽城西二
里有堯陵陵南一里有堯母慶都陵於城為西南稱

曰靈臺而此碑云堯母葬于茲欲人不知名曰靈臺
以二事證之堯與堯母葬處明白若此集古又云俗
本多作城陽獨此碑為成陽當以碑為正予考成陽
與城陽自別成陽縣蜀濟陰城陽乃漢齊悼惠王之
子章所封之國名帝堯碑云慶都與赤龍交生伊堯
其事神異不可測集古又云廷尉某姓名磨滅予按
漢廷尉仲定碑云遷廷尉卿託病乞歸修堯靈臺黃
屋三十餘而靈臺碑中有云濟陰太守成陽令各遣

大掾輔助仲君故知仲定無疑

黃伯思東觀餘論

堯母冢在濮州雷澤縣有碑余得而攷之蓋建寧五年廷尉臣仲定所建濟陰守審冕成陽令管遵遣掾輔助以成其說感赤龍而生堯則本春秋合成圖謂慶都生于斗維之野常在三河東南天大雷電則血流潤大石之中生慶都為黃雲覆蓋葢食不飢許慎嘗為之論曰堯親慶都蓋天帝之女寄伊長孺家年二十九無夫出觀於河有赤龍負圖而至曰赤龍受

天之圖有人赤衣光面八采鬢頰長赤命帝起城元寶
及生堯視如圖故眉有八采之色以帝王世紀考之
堯為帝嚳子則豈為無父漢人尚讖緯其論每若此
彼以漢高祖為雷電感大澤中以生則追述堯事相
配且為堯之後雖帝王之興必有禎祥不應怪誕至
此劉焯嘗謂左氏稱在夏謂陶唐氏其處為劉氏非
魯史本文迺漢儒欲其傳特為此語以漢出堯後獨
堯以左氏有明文以此求重於世孔穎達特信其說

觀此碑所錄與許慎立論則焯之說有所推考之矣
 昔皇甫謐以穀城為城陽而碑作成陽集古錄以碑
 為正余按成陽本成伯國地記謂在濮州雷澤述征
 記曰成陽東南有堯祠則城陽惟謐為誤他書皆得
 證之延光四年書祠唐堯于成陽古未嘗亂也

董道
廣川

書
跋

靈臺碑陰

司徒掾仲選益高出錢二千鉅鹿太守仲訢伯海出錢

萬呂長仲球伯儀出錢三萬七千五官掾仲著焄孟出
錢二千從事仲謨升高出錢二千智邽仲熊伯敬出錢
二千智邽仲鄴伯遠出錢二千主吏仲浮焄輔出錢二
千主吏仲均季遠出錢二千主吏仲缺伯豪出錢二千
主吏仲耽伯通出錢二千主吏仲遐季甫出錢二千主
吏仲曇仲賀出錢二千主吏仲盖升高出錢二千主吏
仲福焄惠出錢二千主吏仲煒子臺出錢二千主吏仲
壽宣德出錢二千主吏仲率仲進出錢二千主吏仲璜

景鸞出錢二千督郵仲印子周出錢二千主吏仲調子
蹇出錢二千主吏仲容生出錢二千主吏仲阿東出錢
二千主吏仲阿先出錢二千主吏仲子林出錢二千主
吏仲阿_缺出錢二千督郵外孫閻丘柳景信出錢四千
義民陳彥出錢二千

右仲氏門宗前所會計沿黃出錢名
司徒掾仲選益高出錢千四百鉅鹿太守仲訢伯海錢
千四百呂長仲球伯儀出錢三千二百從事仲謨升高

出錢千四百督邾仲熊伯敬出錢千四百督邾仲豎升
臺出錢千四百主吏仲福州惠出錢千四百主吏仲璜
景鸞出錢五百主吏仲調子蹇出錢千四百督邾仲仰
子周出錢千四百主吏仲熾客生出錢千四百主吏仲
東阿東出錢千四百主吏仲阿同出錢四百義民陳彦
弟富富弟贖出錢千

惟仲阿東丰在元冠秀有中質遵拒跽親上仁好義見
羣從無者代出錢萬以立碑大意翻然君子善之恩加

骨缺鄉朝所稱縣令管君即請署門下議生都市掾官
未可測矣

主吏仲葵字村武出錢五百

右仲氏宗門所會計立作石碑誦出錢名

守皇屋畜夫仲民主

仇福字仲淵累世同居州里稱術慈孝大聖立祠時令

管君欲造皇屋壁廡來索忠良咸白福閭葵溢缺
離

缺周理字文機缺
嚴前將佗福更縣掾功曹

府諸曹史守尉

下

右靈臺碑陰治黃屋者二十八人作碑者十五人凡

諸仲三十一人異姓者四人其間稱美仲阿東代羣

從出錢數十言其末又載工師仇福事亦數十言

釋

碑以皇屋為黃屋遵矩蹈規碑誦為

碑頌稱術為稱述

全

冷道縣舜廟碑

營水出營陽冷道縣南流山西流逕九疑山下蟠基

蒼梧之野峯秀數郡之間羅巖九舉各導一谿岫壑
 負岨異嶺同勢遊者疑焉故曰九疑山大舜寔其陽
 商均葬其陰山南有舜廟前有石碑文字缺落不可
 復識自廟仰山極高直上可百餘里古老相傳言未
 有登其峯者山之東北冷道縣界又有舜廟縣南有
 舜碑碑是零陵太守徐儉立

水經注

禹廟碑

右禹廟碑字畫淺細故摩滅尤甚其事跡歲月皆不

可考畧可見者云皮氏長安定蘓而名字亦不可辨

矣

金石錄

禹廟碑陰

右禹廟碑陰自侯長汾陰趙遺子宣而下凡數十人

姓名官爵具存又有故督郵曹史縣功曹鄉部吏柏

昱等人名寂後有龍門復民廿五戶人名在今龍門

禹廟殘碑之陰而集古錄云在閩鄉楊震墓側又云

楊氏子孫當時皆葬閩鄉碑碣往往摩滅此不知為

誰碑者蓋誤也

金石錄

右漢碑陰題名在闕鄉楊震墓側文字磨滅不復可考其僅可見者曰侯長汾陰趙遺子宣侯上減一字又曰故督郵曹史縣功曹鄉部吏柏昱等人名鄉上又減一字又曰西鄉亭長柏昱子政又曰鄉亭長翟國相如鄉上又減一字又曰麟都亭長陰定安定谷口亭長方文雅方上又減一字東門亭長梁忠子孝四望亭長吳鴻子名麟武亭長常嵩君宣其餘缺裂

不完蓋楊氏子孫當時皆葬閭鄉碑碣往往磨滅此
不知為誰碑也治平五年五月廿日謝雨致齋於太

社書

集古
錄

禹廟碑

右禹廟碑云光和二年十二月丙子朔十九日甲午皮
氏長南陽章陵劉尋孝嗣丞定安烏氏樊璋元孫其
後叙禹平水土之功而最後有銘文多殘闕不能盡

識碑在龍門禹廟

金石
錄

劉尋禹廟碑光和二
年立 金石略

禹廟窆石銘

漢窆石銘永建元年五月 金石錄

禹廟窆石遺字直實文閣王順伯復齋金石錄定為

漢刻舊經云禹葬於會稽取此石為窆 實刻業編

禹陵窆石古篆文不可讀在紹興府會稽山 林侗古
今碑刻

記

周公禮殿記

漢初平五年倉龍甲戌旻天季月循舊築周公禮璧始
自文翁應期鑿度開建畔宮立堂布觀廟門相鈎閱司
幃延公踪相承至壬甲午故府祿潼文君增造吏寺二
百餘間四百年之際變異蠡啓旋機離常壬衡共統強
桀并兼人襄僥幸戰兵雷合民散共命烈火飛炎一都
之舍官民寺室同日一朝合爲灰炭獨笛文翁石廟門
之兩觀禮樂崩坦風俗混亂誦讀已絕倚席離散夫禮
興則民壽樂興則國化郡將陳笛高君節符興境迄斯

十十有三載會夏復亂苗憲匡救濟民塗炭閱斯立靈

缺

冠學者表儀

缺

大小推誠興復第館八

音克諧鬼方來觀爲後昌基

缺

神不

下

右益州太守高朕脩周公禮殿記今在成都獻帝初

乎五年正月朔己改元興平矣此碑書九月事尚用

初平者天下方亂道路擁隔置郵到蜀稽晚也碑云

始自文翁開建畔宮者西都蜀郡守也又云至于甲

午故府梓潼文君增造吏寺者建武中益州太守文

參也又云烈火飛炎一朝灰炭者華陽國志云安帝
永初時講堂火災獨存石室也又云郡將陳留高君
者高朕也諸書多有誤以朕為朕者朕再作石室在
文翁石室之東又東即周公禮殿規模古質并斗異
制柱皆削方上狹下廣此記刻于東南之一柱亦木
爾歐陽氏以為文翁石柱記者誤也自興平甲戌至
于乾道丁亥千有三年殿宇巋然如故由唐顯慶以
來以孔子為先聖今禮殿無周公像矣政和中郡守

席貢有請詔封文翁為廬江伯高朕為陳留伯在從

祀之列云

隸
釋

此碑以旋機為玼璣以擾為擾以蠶啓為蜂起幃

恐作蔓壬衡即玉衡

全
上

右漢文翁石柱記云漢初平五年倉龍甲戌旻天季

月脩舊築周公禮殿始自文翁開建泮宮據顏有意

益州學館廟堂記云按華陽國志文翁為蜀郡守造

講堂作石室一名玉堂安帝永初間烈火為灾堂及

寺舍並皆焚燹惟石室獨存至獻帝興平元年太守
高朕於玉堂東復造一石室為周公禮殿有意又謂
獻帝無初平五年當是興平元年蓋時天下喪亂西
蜀僻遠年號不通故仍稱舊號也今檢范曄漢書本
紀初平五年正月改為興平顏說是也

集古
錄

右周公禮殿記者今成都府學有漢時所建舊屋柱
皆正方上狹下闊此記在柱上刻之靈帝初平五年
立距今蓋十年矣而字畫完好可讀當時石刻在者

往往磨滅此記托于屋楹乃與金石爭壽亦異矣記
有云甲午年政府梓潼文君增造吏舍二百餘間按
華陽國志有文參字子奇梓潼人平帝時用為益州
太守不從王莽公孫述光武嘉之疑此記所載即其
人也蓋光武建武十年歲次甲午云
金石錄

此記在成都學舍顏有意撰昔廬江文翁治蜀初立
學成都作講堂石室開二堂左溫故右時習復作周
公禮殿畫孔子像蓋古者以周公為先聖孔子為先

師故學必祀周公以孔子配之自開元後制度廢棄

惟此存爾可以考也其後遇災太守陳留高朕

隸釋
作朕

修立增二石室更於夷里橋今學石室一為高朕朕
自有功學者故其室至今與文翁俱傳在漢為蜀守

以勸學為本二人之存爾可以不廢也昔人嘗疑朕

非制名可稱於臣下者自秦漢天子所為稱豈復可

存耶流俗謂為高勝至宋璋沈視知為高朕范蜀公
嘗為人道之甚詳余嘗至其處求字畫得之實為朕

字知在漢猶未有嫌不必曲辨朕為勝也蜀書有高
勝為郫縣人昔人疑其為守非也魏文帝時夏侯霸
為右將軍父朕嘗仕於漢可信也

廣川書跋

周公禮殿記蔡邕隸書成都府

金石略

按顏有意乃唐顏昭甫之弟撰益州學館廟堂記者
是唐碑也而通志云蔡邕書豈漢原有是碑碑毀而
顏氏重書之耶抑或廣川因學館廟堂記而并指禮
殿為顏氏所撰耶俱未可定然以其題跋所言皆漢

事故列於漢碑

金石文
字記

周公廟碑

周公廟在魯國城東不知何年廢矣其碑尚存漢隸

也

古今
書刻

老子廟碑

過水北逕老子廟東廟前有二碑在南門外漢桓帝

遣宦官管霸祠老子命陳相邊韶撰碑

水經
注

又有李母冢冢東有碑是永興元年譙令長沙王阜

所立碑云老子生於曲過間許慎又云過水首受淮陽扶溝縣浪蕩渠不得至沛方為過水也過水又屈東逕相縣故城南其城卑小實中邊韶老子碑又云老子楚相縣人也相縣虛荒今屬苦縣故城猶存在賴游鄉之東過水處其陽然即此城也

全上

老子銘

老子姓李字伯陽楚相縣人也春秋之後周相為二稱東西君晉六卿專征與齊楚並僭號為王以大并小相

縣虛荒今厲苦故城猶在左賴鄉之東過水處其陽其
土地鬱蟪高峻宜生有德君子焉老子為周守臧室史
當幽王時三川實震以夏服之季陰陽之事鑒喻時王
孔子以周靈王廿五年生到景王十年年十有七學禮於
老聃計其年紀聃時以二百餘歲聃然老旄之貌也孔
子卒後百廿九年或謂周大史儋為老子莫知其所終
其二篇之書稱天地所以能長且久者以不自生也庶
初生民遺體相續其死生之義可知也或有浴神不死

是謂玄牝之言由是世之好道者觸類而長之以老子

離合於混沌之氣與三光為終始觀天作讖

缺降什

斗字

星隨日九變與時消息規槩三光四靈左周存想丹田

大一紫房道成身化蟬蛻渡世自羲農以來缺為聖者

作師班固以老子絕聖棄知禮為亂首與仲尼道違述

漢書古今人表檢以法度抑而下之老子缺與楚子西

同科材不及孫卿孟軻二者之論殊矣所謂道不同不

相為謀也延熹八年八月甲子

皇上尚息弘道舍閔光大存神養性意在凌雲是以潛
心黃軒同符高宗夢見老子尊而祀之于時陳相邊韶
典國之禮材薄思淺不能測度至人辯是與非案摠書
籍從為老子生於周之末世玄虛守靜樂無名守不怠
危高官安下位遺孔子以仁言辟世而隱居變易姓名
唯恐見知夫日以幽明為節日以虧盈自成損益盛衰
之原倚伏禍福之門人道惡盈而好謙蓋老子勞采定
國功不加民所以見隆崇于今為時人所享祀乃昔日

逃祿處微損之又損之之餘胙也顯虛无之清家云先
天地而生乃守真養壽獲五福之所致也敢演而銘之
其辭曰於惟缺息抱虛守清樂居下位祿執弗營為繩
能直屈之可縈三川之對舒憤散暹陰不填陽執能滯
并見機而作需郊出坳肥遁之吉辟世隱聲見迫遺言
道息之經譏時微喻尋顯推冥守一不失為天下正處
厚不薄居實舍榮稽式為重金玉是輕絕嗜去欲還歸
於嬰皓然歷載莫知其情願達法言先民之和要以无

為大缺用成進退無恒錯綜其貞以知為愚沖而不盈
大人之度非凡所訂九等之叙何足累名同光日月合
之缺星出入丹廬上下黃庭背棄流俗舍景匿形苞元
神化呼吸至精世不能原叩其永生天人秩祭以昭厥
靈羨彼延期勒石是旌

右老子銘篆額在亳州苦縣苦屬陳國故其文陳相
邊韶所作碑云延熹八年八月帝夢老子尊而祀之
帝紀此年春冬兩遣中常侍至苦祠老子水經載蒙

城王子喬碑亦云延熹八年八月帝遣使致祠國相
王璋乃銘紀遺烈蓋威宗方脩神僊之事故一時郡
國競作碑表此石立於延熹無疑杜子美云苦縣光
和尚骨立者誤也碑中多用大史公語唯聃然老旄
之說不同韶以老子與子西同科深詆班孟堅之失
至於韓非同傳則又置而不論何也碑云孔子學禮
於老子時年十有七按世家孔子年十七孟釐子病
誠其嗣必師孔子故孟懿子與南宮敬叔往學焉其

次又云敬叔與孔子適周見老子詳史之所記初非
一年中事况孟釐子卒在魯昭公二十四年孔子蓋
年三十有五矣韶不詳究史家之指而誤用之何貴
乎五經筭也

釋 錄

碑以浴神為谷神旒與耄同渡與度同材與纜同

累與累同豸與寂同

上 同

右漢老子銘按桓帝本紀云延熹八年正月遣中常
侍左悺之若縣祠老子十一月又遣中常侍管霸祠

之而此碑云八月夢見老子而祠之世言碑銘蔡邕
作今檢邕集無此文皆不可知也

集古
錄

右漢陳相邊韶撰字為隸書不著名氏世以為蔡邕
書據碑延熹八年八月桓帝夢見老子尊而祀之韶

時典其禮因而為銘碑在亳州衛真縣太清宮

集古
錄目

右老子銘舊傳蔡邕文并書蓋杜甫李潮小篆八分
歌有云苦縣光和尚骨立書貴瘦硬方通神世云此
碑是也今驗其詞乃邊韶延熹八年作非光和中所

立未知甫所見是此碑否而本朝周越書苑遂以為
韶撰文而邕書初無所據碑言孔子學禮時計其年
紀聃已二百餘歲聃然老旄之貌也而史記言謚曰
聃按古謚法無聃字又碑云孔子以周靈王二十年
生今以年表及世家考之孔子以魯襄公二十二年
生實靈王二十一年未知孰是史書周太史儋事云
孔子死後二百二十九年徐廣注曰實一十九年今此
碑所書正與史合不知徐廣何所據也

金石錄

成王周公畫像

成王周公畫像有標題者六皆偏而不正惟成王周公二榜不漫滅其間張幕設案有總角垂拱而中立者成王也冕而跪而東者曰周公則西者當是召公漢碑有龍虎者隨其文而觀之則先龍而後虎蓋以碑之所向為左右也立于二公之後者六人其西三人則無標題皆有所執如弓矢之屬一馬在其後此碑所列諸臣翼如也與武梁朱浮畫像法式皆異雍

丘令及此圖皆洛陽宋敦儒希真所藏者末云齊魯
間漢公卿墓中物亦不詳其主名武帝嘗畫周公負
成王朝諸侯以賜霍光此畫之意良未諭也

續錄

孔子見老子畫像

孔子見老子畫像人物七車二馬三標榜四惟老子
後一榜漫滅孔子面右贅雁老子面左曳曲竹杖中
間復有一雁一人挽首在雁下一物柱地若扇之狀
石有裂文不能詳辨侍孔子者一人其後雙馬駕車

車上一人馬首外向老子之後一馬駕車車上亦一人車後一人回首向外史記魯昭公予孔子一乘車兩馬一豎子同南宮敬叔適周問禮於老子此畫與聖輿兩驂似是据此

續 兼

六藝之一錄卷三十五

欽定四庫全書

六藝之一錄卷三十六

錢唐倪濤撰

石刻文字十二

孔廟置守廟百石孔龢碑

司徒臣雄司空臣貳稽首言魯前相瑛書言詔書崇聖

道勉缺藝孔子作春秋制孝經缺五經演易繫辭經

緯天地幽讚神明故特立廟褒成侯四時來祠事已即

去廟有禮器無常人掌領請置百石卒史一人典主守

廟春秋饗禮財出王家錢給大酒直須報謹問大常祠

曹掾馮牟史郭玄辭對故事辟雍禮未行祠先聖師侍

祠者孔子子孫大宰大祝令各一人皆備爵大常丞監

祠河南尹給牛羊豕雞缺各一大司農給米祠臣愚

以為如瑛言孔子大聖則象乾此為漢制作先世所尊

祠用衆牲長吏備缺欲加寵子孫敬恭明祀傳于罔

極可許臣請魯相為孔子廟置百石卒史一人掌領禮

器出王家錢給大酒直他如故事臣雄臣弋愚懇誠惶

誠恐頓首頓首死罪死罪臣稽首以聞

豕即豕字

制曰可

制字高出一字司徒公題名在此行之下司空在雒陽宮之下

元嘉三年三月廿十

七

日壬

壬

寅奏雒陽宮

司徒公河南原武吳雄字季高

司空公蜀郡成都趙式字意伯

元嘉三年三月丙子朔廿十日壬寅司徒雄司空式下

魯相承書從事下當用者選其年卅以上經通一藝雜

試通利能奉弘先聖之禮為宗所歸者如詔書書到言

宋興元年六月甲辰朔十八日辛酉魯相平行長史事
卞守長擅叩頭死罪敢言之

司徒司空府壬寅詔書爲孔子廟置百石卒史一人掌
主禮器選車冊以上經通一藝雜試能奉祀先聖之禮
爲宗所題者平叩頭叩頭死罪死罪謹案文書守文學
掾魯孔鮒師孔憲戶曹史孔覽等雜試鮒脩春秋嚴氏
經通高第事親至孝能奉先聖之禮爲宗所題除鮒補
名狀如牒平惶恐叩頭死罪死罪上

司空府

讚曰巍巍大聖扶扶彌章相レ瑛字少卿平原高唐人
令鮑疊字文公上黨屯留人政教稽古若重規レ君
察舉守宅除吏孔子十九世孫麟庶請置百石卒一人

鮑君造作百石吏舍功垂无窮於是始

關 扶
即 赫 字

右孔廟置守廟百石卒史孔龢碑無額在兗州仙源
縣威宗永興元年立嘉祐中郡守張推圭按圖經云
鍾繇書碑載孔子十九世孫麟庶請置百石卒史一

人掌廟中禮器魯相乙瑛書言之於朝司徒吳雄司空趙戒奏於上詔魯相選年四十以上通一經者為之時瑛已滿秩去後相平復以其事上于朝予家所藏石刻可以見漢代文書之式者有史晨祠孔廟碑樊毅復華祖碑太常眺無極山碑與此而四此一碑之中凡有三式三公奏于天子一也朝廷下郡國二也郡國上朝廷三也按孔僖傳云永元四年襄成侯損徙封褒亭侯子孫相傳迄于漢末襲褒亭之封者

二人此碑與史晨碑皆在永元之後仍稱褒成又安
帝紀延光三年賜褒成侯帛韓勅碑陰有褒成侯建
壽即損也疑損未嘗徙封傳之誤爾鍾繇以魏太和
四年卒去永興蓋七十八年圖經所云非也

釋 諫

右漢魯相置孔子廟卒史碑云司徒臣雄司空臣戒
稽首言魯前相瑛書言詔書崇聖道孔子作春秋制
孝經演易繫辭經緯天地故特立廟褒成侯四時來
祠事已即去廟有禮器無常人掌領請置百石卒史

一人典主守廟謹問太常祠曹掾馮牟史郭玄辭對
故事辟雍祠先聖太宰太祝各一人備爵太常丞監
祠河南尹給牛羊豕大司農給米臣愚以為如瑛言
可許臣雄臣戒愚戇誠惶誠恐頓首頓首死罪死罪
臣稽首以聞制曰可按漢書元嘉元年吳雄為司徒
二年趙戒為司空即此云臣雄臣戒是也魯相瑛者
據碑言姓乙字仲卿漢碑在者多磨滅此幸完可讀
錄之以見漢制三公奏事如此與羣臣上尚書者小

異也又見漢祠孔子其禮如此治平元年六月二十

日書

集古錄

右孔子廟置卒史碑其前有司徒吳雄司空趙戒奏
章歐陽文忠公具載于集古錄其後又有魯相奏記
司徒司空府文字尤為完好云永興元年六月甲辰
朔十八日辛酉魯相平行長史事卞守長擅叩頭死
罪敢言之司徒司空府壬寅詔書為孔子廟置百石
卒史一人掌主禮器選年四十以上經通一藝雜試

能奉弘先聖之禮為宗所歸者平叩頭叩頭死罪死
罪謹按文書守文學掾魯孔鮒師孔憲戶曹史孔覽
等雜試鮒修春秋嚴氏經通高第事親至孝能奉先
聖之禮為宗所歸除鮒補名狀如牒平惶恐叩頭死
罪上司空府其詞彬彬可嘉故備錄之且以見漢時
郡國奏記公府具體如此也按華陽國志後漢書注
皆云趙戒字志伯而此碑乃作意伯疑其避桓帝諱

故改焉

金石錄

右漢魯相置孔子廟卒史碑今在曲阜蓋魯相乙瑛
上書請置百石卒史一人典主守廟司徒吳雄司空
趙戒以聞制從之蓋在元嘉三年三月後魯相平補
以孔和上書於司空府則永興元年六月也攷之范
史桓帝紀元嘉惟有二年碑云元嘉三年三月者蓋
是年五月始改永興至十月而雄戒亦罷免矣 此
碑殘闕據宋洪丞相隸釋錄其全文蓋漢文高古難
得將以供學士大夫之嗜好而不特此碑然也凡予

之錄漢刻其殘闕者皆以洪本足之

郝務金
薤琳琅

此碑都少卿玄敬考據始末甚明楊用脩金石古文全錄之但碑中奏洛陽宮下有司徒公河南原武吳雄字季高司空公蜀郡武都趙戒字意伯二十四字內闕四字而二公不之及都云此碑殘闕據宋洪丞相隸釋錄其全文而竟遺此豈二公但憑抄錄未見搨本耶碑後又有刻云後漢鍾太尉書宋嘉祐七年張稚圭按圖題記按此碑永興三年造元帝初

始為黃門侍郎距永興且四十年此非元常書明甚
未知張稚圭所按何圖其叙事簡古隸法道逸令人
想見漢人風采政不必附會元常也碑中趙戒范史
注字志伯今云意伯趙明誠云疑是避桓帝諱戒袁

宏又作誠

趙岫石
墨鐫華

三代彝器款識世不多見壇山石鼓剝落亦甚其他
自泰山嶧山之朶而下惟兩京為古余嘗檢洪丞相
隸釋見此碑列于第五而近世都玄敬揚用脩徐獻

忠集漢字者俱以此為第一豈先數者已零落不可
得是刻在孔林尚無恙耶勉字下隱起是學字蓋宗
聖道勉學藝詞理俱暢而人往往缺之故敬為補之
而記其說如此若夫見三家跋者不復廣引矣嘉靖

甲寅四月七日記

盛時泰
立牘記

此魯相乙瑛上書司徒吳雄司空趙戒府請置孔廟
百石卒史一人掌主禮器廟祀元嘉三年三月廿七
日壬寅雄戒奏可雒陽宮如瑛言又詔選能奉祀先

聖之禮為宗所歸者當桓帝時雄戒諸人猶知崇聖
如此初戒博學明經劾奏貪殘不避貴戚後與子堅
定策不能終執本議卒致傾覆是非真能崇聖者按
史元嘉止二年碑稱三年三月者蓋是年五月始改
元永興耳章懷謂戒字志伯碑作意伯趙明誠疑避
桓諱似矣碑即今公移復爾雅簡質可讀書益高古
超逸魏才代漢便不能無小變至六朝極矣極之而
復故唐為近古評者槩多別論是非深於分法者

宗郭

昌金
石史

魯相乙瑛置孔子廟百石卒史碑八分書永寧元年
六月今在曲阜縣廟中後人刻其上曰漢鍾太尉書
洪氏隸釋曰按圖經云鍾繇書繇以魏太和四年卒
上距永興七十八年圖經所云非也 百石卒史者
秩百石之卒史也漢書儒林傳郡國置五經百石卒
史倪寬傳補廷尉文學卒史臣瓚曰漢注卒史秩百
石是也若三輔卒史則二百石黃霸傳補左馮翊二

百石卒史因其秩有不同故舉其石之多寡以別之

水經注載此為後人不通者改作百夫吏卒

金石文
字記

魯相韓勅造孔廟禮器碑

惟朮壽二年青龍左涖歎霜月之靈皇極之日魯相河

南京韓君追惟大古華胥生皇雄顏

缺
育
缺

寶俱制元

道百王不改孔子近聖爲漢定道自天王以下至于初

學莫不驢思嘆仰師鏡顏氏聖甥家居魯親里丌官聖

妃在安樂里聖族之親禮所宜異復顏氏并官氏繇發

以尊孔心念聖歷世禮樂陵遲秦項作亂不尊圖書倍
道畔德離敗聖輿食糧亡于沙丘君於是造立禮器樂
之音符鍾磬琴鼓雷洗觴觚爵鹿俎桓遵枚禁壺脩飾
宅廟更作二輿朝車威熹宣杼玄汙以注水深法舊不
煩備而不奢上合紫臺階之中和下合聖制事得禮儀
於是四方土士仁聞君風燿敬咏其德尊琦大人之意

連彊之思乃共立表石紀傳億載其文曰

皇師統華胥承天畫封顏育空來孔制元孝俱祖紫宮

太一所授前門九頭以什言教後村百王獲麟來吐制
不空作承天之語乾元以來三九之載八皇三代至孔
乃備聖人不世期五百載三陽吐圖二陰出識制作之
義以俟知真於穆韓君獨見天意復聖二族連趣絕思

循造禮樂胡輦器用存古舊字懸懃宅廟朝車威燾出

誠造

缺

涑不水解工不旱賈深除玄汙水通

缺

注禮器

升堂天雨降澍百姓訢和舉國蒙慶神靈祐誠竭敬之
報天與庶福永享年壽上極華茲旁伎皇代刊石表銘

與乾運燿長期蕩蕩於盛復授赫赫罔窮聲垂億載缺
韓明府名勅字升節潁川長社王玄君真二百河東大
陽西門儉元節二百故涿郡太守魯庶次公五千故會
稽太守魯傳世起千故樂安相魯庶季公千故從事魯
張嵩眇高五百相主薄薛陶元方三百相史魯周乾伯
德三百

右魯相韓勅造孔廟禮器碑無額威宗永壽二年立
其文雜用識緯不可盡通呂氏春秋云有佻氏女探

得嬰兒于空桑是為伊尹蓋托之神物與履拇吞飢
同或曰空桑地名也此云聖母顏氏育於空桑不經
之甚渚歎者以歎為灘也聖妃者以妃為配也雷洗
觴觚爵鹿祖桓遵杉禁壺者以雷為壘以祖為俎也
古爵三足而兩柱前若喙後若尾有爵之象趙曰青
州近獲一器全為鹿形此所謂鹿豈非肖其形因以
名之乎說文木豆謂之桓桓音凡木名也皮可為索
禮器曰大夫士於禁注云禁如今之方案儀禮鄉飲

酒禮戶間斯禁設籩于禁南注禁切地無足者喜與
上下文符觚與汙協韻當是壺字也胡輦者瑚璉也

洪氏
詠釋

碑以伎為暨驢音騏遵即遵字涿即添字
上全

右韓明府修孔子廟器碑云永壽二年青龍在涪灘
霜月之靈皇極之日永壽桓帝年號也按爾雅云歲
在申曰涪灘桓帝永興三年正月戊申大赦改元永
壽明年丙申曰歲在涪灘是矣云霜月之靈皇極之

日莫曉其義疑是九月五日前漢文章之盛庶幾三代之純深自建武以後頓爾衰薄崔蔡之徒擅名當世然其筆力辭氣非出自自然與夫揚馬之言醇醜異味矣及其末也不勝其弊霜月皇極是何等語韓明府者名勅字叔節前世見於史傳未有名勅者豈自余學之不博乎春秋左氏傳載古人命名之說不以為名者頗多故以勅為名者少也

集古錄

漢隸不著書撰人名氏據碑孔子舅顏氏居魯親里

丌官聖妃居安樂里魯相河南京人韓勅字叔節復其里中徑後以尊孔子孔子廟舊藏車見毀于秦項之際勅修立宅廟造俎豆瑟鼓之屬更作二輿時桓

帝永壽二年也

集古錄目

右韓明府孔子廟碑其略云君造立禮器樂之音符鍾磬瑟鼓雷洗觴觚爵鹿祖桓遷板禁喜修飾宅廟更造二輿所謂鹿者禮圖不載莫知為何器又據字書板木皮可為索喜陳樂也亦非器名皆不可曉故

并著其語以俟知者俟余後見汶陽陳氏所藏古彝
為伏鹿之形近歲青州獲一器亦全為鹿形疑所謂
鹿者因其形而名之爾

金石錄

漢韓明府修孔子廟碑其文雖剝缺然可句讀得之
明府名勅字叔節歐陽永叔嘗謂書傳無以勅命名
者秦制天子之命為勅漢用秦法當時豈臣下敢以
勅自名者也考之字書勅字從東謂誠也王者出命
令以誠正天下者也按韓明府自名勅爾古者以勞

賚為勅勅為賚音其文為徠別體當南齊時有劉勅
 為始興內史則古人名勅何世無之豈於此疑哉往
 時文嘉謨作縣樓架勅書於昌樂榜為敕書蜀中縣
 多作敕者說文敕自音策謂馬箠也敕音竒謂木別
 生也嘉謨蓋勛之子勛有書名不知敕非勅字其子
 不能考古誤以為勅可不戒哉

廣川
書跋

按繁陽令楊君碑陰有程勅則在漢非獨韓名勅也
 勅雖本音徠說文勞也考之碑韓字叔節程字伯嚴

其義非勞徠之徠當讀為飭漢碑范史多用敕字蓋
是時上下皆通用初無拘也

婁機漢
隸字源

右漢魯相韓勅造孔廟禮器碑說者謂其文雜用識
緯不可盡通予觀東漢自光武以赤伏符即位篤好
圖讖臣下則而效之流弊浸廣至漢之末而其說尤
熾見之金石者不特此碑然也帝堯碑云堯遊於玄
河之上有龍投圖堯乃受命成陽靈臺碑云堯毋慶
都遊觀河濱感赤龍交而生堯魯相史晨孔廟碑云

孔子乾坤所挺西狩獲麟為漢制作皆怪誕恍惚不
經之甚後之君子以為漢儒之陋狹如此而不知其
所從來孔子曰上有好者下必有甚焉者矣以光武
之明智而慮不及此嗚呼於漢儒乎何尤

金薤
琳瑯

此碑都楊二公錄闕七字而余所獲搨本止闕五字
多一皇戲統華胥戲字一以俟知奧奧字二公前余
八十年都所收又云舊搨本而闕字反見于今何也
且都錄碑陰謂隸釋所載六十二人較都家舊搨本

闕三十八人隸釋始曲成侯王嵩終洛陽王敬都家
本始涿郡太守魯廙次公終河南樊文高按碑文韓
明府下已列潁川長社王玄君真至相史魯周乾伯
德八人似不應碑陰重錄隸釋首正少此八人于漢
文簡古之體為合而都本乃重出不知何故惜不得
至碑所一證之至若碑隸書與卒史碑無二且記法
簡質非今所能而玄敬乃以雜用識緯薄之余竊不

取焉

石墨
鐫筆

右韓勅造孔廟禮器碑并碑陰通一冊吾鄉羅公所
藏元孫淵泉假以示余碑言青龍在涪灘霜月之靈
皇極之日按爾雅十二歲名申曰涪灘永壽元年乙
未此言申者則次年丙申矣霜月者九月也皇極之
日五日也此皆漢人尚讖緯之學故文字奇異如此
其他則洪丞相都太僕言之已具嘉靖甲寅四月十
二日記

玄牘
紀

漢韓明府修孔子廟器碑才剝蝕十一二文字存者

猶有鋒鍛文殊高古尚可讀豈神物固有鬼神呵護
耶其字畫之妙非筆非手古雅無前若得之神功弗
由人造所謂星流電轉纖踰植髮尚未足形容也漢
諸碑結體命意皆可髣髴獨此碑如河漢可望不可
即也韓明府名勅字叔節歐陽公謂書傳無以勅命
名者秦制天子之命稱勅漢用秦法當時臣下豈敢
以勅自名者是以勅為勅也已見廣川書跋第意有
未明余更著之韓明府自名勅從力來聲音賚勞也

亦作徠徠訓來答勤曰勞撫至曰勅示有節也故字
叔節以勅為敕譌也敕從支束聲誠也支小擊也又
有束縛之義故為救命之敕又支傍加束音策馬筆
也束讀若刺又敕從支束聲音其木別生也支持也
與支異四字易淆故詳著之然永叔謂人無名敕者
亦屬臆說因記得一事余方謂石千年猶存當為鬼
神呵護有一憲使宦魯者余以此碑為托憲使檄曲
阜令致得數榻以印鈐手版報云曲阜諸生大閱石

已薤粉矣取家藏者應命耳余深痛神蹟永絕後死者不得與於斯文每一展玩撫几興歎後復有至自闕里者謂石歸然無恙因出所搨視余嗚呼天下萬事無憑如此然亦足喜也

金石史

魯相韓勅造孔子廟禮器碑八分書永壽二年九月

今在廟中碑兩旁並有刻字

金石文字記

韓勅碑陰

曲成侯王嵩二百河南成畢蘇漢明二百其人虜士河

南雒陽种亮奉高五百故兗州從事任城李育季華三千故下邳令東平陸王褒文博千故潁陽令文陽鮑宮元威千河南雒陽李申伯百趙國邯鄲宋鎮元世二百彭城廣械姜尋子長二百平原樂陵朱恭敬公二百平原濕陰馬瑤元翼二百彭城龔治世平二百泰山鮑丹漢公二百京兆劉安初二百下邳周宣光二百河間東州齊伯宣二百陳國苦虞崇伯宗二百潁州長社王季孟三百汝南朱國公陳漢方二百山陽南平陽陳漢甫

二百任城番君舉二百任城王子松二百任城謝伯威
二百任城高伯世二百相主簿薛曾訪濟興三百相中
賊史薛虞韶興公二百薛弓奉高二百相史卞呂松 缺
遠百馮韋仲卿二百處士魯劉靜子著千故從事魯王
陵少初二百故督却魯升輝景高二百魯曹悝初孫二
百魯劉元達二百故督却魯趙輝在臺二百郎中魯孔
宙季將千御史魯孔翊元世千大尉掾魯孔凱仲弟千
魯孔曜仲睢二百處士魯孔方廣率千魯孔巡伯男二

百魯孔憲仲則百尚書侍郎魯孔彪元上三千魯孔汎
漢光二百守廟百石魯孔恢聖文千褒成侯魯孔建壽
千故從事魯孔樹君德千魯孔朝升高二百行義掾魯
弓如耕都二百魯劉仲俊二百魯夏侯廬頭二百魯孔
儀甫二百文賜蔣元道二百文賜王逸文豫二百魯石
子重二百北海剡袁隆展世百魯周房伯臺百道西陽
樂張普仲堅二百故薛令河內温朱巖伯珍五百故豫
州從事蕃加進子高千南陽宛張光仲孝二百河南雒

陽王敬子慎二百

右韓勅碑陰六十有二人不稱字者一人不稱名者
二十一人漢人題名必書名字否則各有說也楊震
碑陰孫定博諸人不名者非其門生也逢盛碑陰崔
孟祖數人不名者乃其父黨也題名於韓勅碑左凡
八人魯之二庶一傳不名者別守相之尊也張納碑
陰主簿白文已下不稱字者示其卑於從事季元也
史晨後碑五官掾孔暢六人不書字者亦示其卑於

長史李謙也孔僖傳云永元四年徙封孔損為褒亭侯損卒子曜嗣曜卒子完嗣此碑有孔曜仲雅則永壽時曜尚未襲封所謂褒成侯建壽當是孔損之字

傳作褒亭其說在孔龢碑

自永元四年至永壽二年亦六十五年

矣題名中孔族凡十四人有譜可考者曜及郎中宙御史翊侍郎彪皆孔子十九世孫也建壽爵齒俱尊而在子姓之間宜其不名餘人雖不見爵秩當亦是一時耆老獨曲成侯王嵩一人不稱字豈爵雖襲而

年尚穉者乎蘇漢明者已鐫而續書故以其人處士
識于下張普朱熊五人書體不同蓋後人所增者

隸釋

自由成侯王嵩二百河南成臯蘇漢明二百而下共

六十二人孔彪孔宙皆在列中

復齋碑錄

右韓勅碑陰隸釋所載凡六十有二人較予家舊搨
本闕三十有八人隸釋始曲成侯王嵩終洛陽王敬
予家本則始涿郡太守魯蔗次公終河南樊文嵩又
有大不同者豈隸釋得之傳錄故有此誤要當以搨

本為是抑此及史晨後碑歐陽公最號博古皆未之

見唯趙氏金石錄有之

金薤琳 琳 脚

韓勅碑陰

金薤琳 琅本

故涿郡太守魯廡次公五千故從事魯張嵩眇高五

百潁川長社王玄真二百故會稽太守魯傳世缺千

相主簿魯薛陶元方三百河東大陽西門儉元節二

百故樂安相魯廡季缺千相史魯周乾伯德三百

曲成侯王曷二百遼西陽樂張普仲堅二百潁川長

社王季孟三百故督郵魯趙輝彥臺二百河南成
臯蘇漢明二百其人處士汝南宋國公陳漢方二百
郎中魯充宙季將千河南雒陽种亮奉高五百故山
陽南平陽陳漢甫二百御史魯孔翊元世千故兗州
從事任城呂育季華三千任城番君舉二百太尉椽
魯孔凱仲弟千故下邳令東平陸王裒文博千任城
王子松二百魯孔曜仲曜二百魯孔儀甫缺百故潁
陽令文陽鮑宮元威千任城謝伯威二百處士魯孔

方廣率千河南雒陽李申伯百任城高伯世二百魯

孔巡伯陽二百文陽蔣元道二百趙國邯鄲宋鎮元

世二百相主簿薛曹缺濟興三百魯孔憲缺則缺文

陽缺文豫二百彭城廣缺姜尋孔長二百相中賊

史薛紹興公二百尚書侍郎魯孔彪元上三千平原

樂陵朱恭敬公二百薛缺高缺魯孔缺漢光二

百南陽宛張光仲孝二百平原隰陰馬缺元冀二百

相史卞呂松遠百守廟百石魯孔恢聖文千彭城公

治世平二百駮韋仲卿二百襄成侯魯孔建壽千河
南雒陽王敬子慎二百泰山鮑丹漢公二百處士魯
劉靜子著千古從事孔樹君德千京兆劉安初二百
故薛令令河內溫朱熊伯珍五百故從事魯王陵少
初二百魯孔朝升高二百魯石子重二百下邳周宣
光二百故豫州從事蕃加進子高千故督郵魯升輝
景高二百故平陵令魯庶侯元世五百行義掾魯弓
如叔都二百河間東州齊伯宣二百魯曹性初孫二

百魯劉仲臣二百北海劇袁隆展世百陳國苦虞崇

伯宗二百魯缺元達二百魯夏侯盧頭百魯周房伯

臺百東海傅河東臨汾敬謙字季松千缺尉缺

安季興五百相守史諱在芳世祖二千魯孔建

壽二百時令漢中南鄭趙寡學子缺魯巢壽文缺相

缺賜公缺輝世平百故丞魏令河南京

丁璫叔舉五百河浦退師度缺澤賢缺魯傅缺子

豫二百侯我交父治真百東郡武陽桓仲豫二百左

尉北海趙福字仁直五百南陽平氏

缺

二百

魯

缺

三百魯孔昭叔祖百元廬城子二百山陽瑕

邱九百元臺三百魯齊伯賢二百河東臨汾敬

缺子

直千泰山鎮平韋仲元二百

缺

狼子二百國廣張

達平二百其缺處士魯劉聖長二百河南雒陽左叔

虞二百泰山費淳于陵季遺二百上黨長子楊萬子

三百河南偃師骨缺通國

缺

東郡武陽董氏二百

故

缺

侯相彭城劉

缺

伯存五百處士魯孔徵子

缺

二百河南平陰樊文高二百

右都少卿所錄與隸釋所錄不同今並存之

韓勅脩孔廟後碑

皇漢帝元永壽三丰青龍建酉孟秋之旬升布天德帝
拜大臣曾曾玄玄魯相河南京韓君追惟

孔聖素玉受象乾从生于周衝匡政天文德叅耀缺作

應星神指易制孝升出大人徵符洞壺論要道根亦書

黃字蜚于倉天北落復下大帝闔門龍缺

精歷星

官雷動玄紫嚴隱缺震春秋既成效以獲麟功定道立

封禪缺玄缺魯天地窮冥精皇炳辟河雒摘靈

散六制二百生師經元德浸潭孝道滋榮為漢制作萬

世缺功杰誦受命以授煌煌帝缺載缺天意流通第缺

生徒三年素王以下至丐北生聞名傾瓦視若

見彤天挺三五三九之缺德缺子度終獲麟天為移

拒曰缺賢俊以傳君以順顯臣以無虧

韓君於氏憤愴之思惟古之嘆念缺晷缺為世寶具受

符相魯敷舒

缺

謁廟拜墓感有

魯玄脩飭舊宅俟神廟堂自

缺

寤域庫室中郎立先王

禮樂器

缺

二輿朝車威熹歷日

久長承法而制以遵古常崇聖惟坐慶席十重改畫聖

象如古鬲

缺

章規

柜玄汙唯深且方宅廟恣脩敬滄菓房

缺

道

路

缺

闕周衛行

缺

恭肅春秋烝嘗欣樂之情和見於頤惟墓以

缺

歷秦缺高缺業文缺

君於

缺

龍缺

玄禮有制度國疑少磚壇法不即

缺

碑缺

造石壇缺

遣上公名卿奉表宰祠采缺

作

大丹缺

方缺

之用缺

韓君缺

政以汎缺

四方土梁異人同心共術韓君德政缺

鈴約缺

曰其安缺

以臨東海功缺伊望泚歌欽烈蘭芳青雲自

郡缺

勅民缺魯之日缺

盛隆恩及孤弱惠閔缺窮民共缺魯飢寒得充業以土

屋缺小懼康存舊缺德夫缺所行缺足用梁英

徐缺楊缺望者成行顛彼豫缺獨專景缺且立表石勒

銘之功君輔漢室聖帝缺躬子子孫孫封缺石表

基垂名八皇

府君諱勅字林節缺即缺字仲則弟缺字子臺東海

缺敬謙字季松河東臨汾人缺字子睢漢中南

鄭人長史季亮字威明河南人故少府卿任城樊府君
諱豹字伯尹丞駱景字子雲河南滎陽人道人潁川長
缺

君直五百左尉趙福字缺
北海劇人右尉缺

子興九江浚道人

右韓勅脩孔廟後碑威宗永壽三年立其間云脩飭
舊宅改畫聖象立禮樂器車輿薦席墻室壇井皆脩
廟事也其云謁廟拜墓謂孔墓也又云異人同心共
述德政即題名中道人潁川君直也樊豹書法獨與

衆異當是魯之前相也

碑以於氏為於是室為室即為廊術為述務為藜

晉即圖字夢即薦字

全上

韓府君孔子廟後碑永壽三年七月立有碑陰

金石錄

碑云皇漢帝元永壽三年青龍建酉孟秋之旬升布

天德帝拜大臣曾曾玄玄云云未有府君諱勅字叔

節等題名十一人闕里祖庭記有永壽三年韓勅修

孔子墓碑在墓林中當是此碑

王厚之撰
齊碑錄

魯相史晨祠孔廟奏銘

建寧二年三月癸卯朔七日巳酉魯相臣晨長史臣謙
頌首死胤上

尚書臣晨頌首頌首死胤死胤臣蒙厚恩受任符守得
左全婁周孔舊寓不能闡弘德政恢崇壺變夙夜憂悒
累息屏營臣晨頌首死胤死胤臣以建寧元年到官行
秋饗飲酒畔宮畢復禮孔子宅拜謁神坐仰瞻櫬楯俯
視几筵靈所馮依肅肅猶存而無出酒脯之祠臣即自

以奉錢脩上案食暇具以叙小節不敢空謁臣伏念孔子乾心所挺西狩獲麟爲漢制作故孝經援神學曰立立制命帝卯行又尚書考靈耀曰立生倉際觸期稽度爲赤制故作春秋以明文命綴紀撰書循定禮義臣以爲素王稽古德亞皇代雖有衰成世享之封四時來祭畢即歸國臣伏見臨辟廂日祠孔子以大宰長吏備爵所以尊先師重教化也夫封土爲社立後而祀皆爲百姓興利除害以祈豐穰月令祀百辟卿士士有益於民

字

有益於民

刳乃孔子玄德煥炳光于上下而本國舊居復禮之日
闕而不祀誠

朝廷聖恩所宜特加臣寢息耿耿情所思惟臣輒依社
稷出主家嚴春秋行禮以共煙祀餘缺賜先生執事臣
晨頌首頌首死罪死罪臣盡力思惟庶政敢稱為效增
異輒上臣晨誠惶誠缺頌首頌首死罪死罪上

尚書

缺

時副言大傅大尉司徒司空大司農府治

所部從事

昔左仲尼汁光之精大帝所挺顏母毓靈承敝遭衰黑
不代倉缺不應聘嘆鳳不臻自衛反魯養徒三千獲麟
畝作端門見徵血書著紀黃玉韻應主為漢制道審可
行乃作春秋復演孝經刪定六藝象與天談鈎河摛雒
却揆未然魏魏蕩蕩與乾比崇

右魯相史晨祀孔廟奏銘靈帝建寧三年立按永興
三年孔龢碑載吳雄奏用辟雍禮春秋饗孔廟出王
家錢給大酒直距此纔十有七年史晨復云到官秋

饗無公出酒脯之祠至於自用奉錢乞依社稷出王
家穀以共煙祀此盖有司崇奉不虔旋踵廢格也孔
龢碑中吳雄奏章則云奏維陽宮此亦奏牘乃云上
尚書者郡國異於朝廷不敢直達帝所因尚書以聞
也樊毅復華下民租奏其式與此同漢末專尚識緯
乃以鈎河槌維而頌尼父鄙哉 碑以倉為蒼煙為
裡汁為叶恠即恠字挈即契字諫古響字隸釋
右魯相上尚書章其略曰建寧二年三月癸卯朔七

日已酉魯相臣晨長史臣謙頓首死罪上尚書臣晨
頓首頓首死罪死罪臣以元年到官行秋饗飲酒泮
宮復禮孔子宅而無公出酒脯之祠臣輒依社稷出
王家穀春秋行禮建寧靈帝年號也於此見漢制天
子之尊其辭稱頓首死罪而不敢斥至尊因尚書以
致達而已余家集錄漢碑頗多亦有奏章患其磨滅
獨斯碑首尾完備可見當時之制也又云孔子乾坤
所挺西狩獲麟為漢制作故孝經援神契曰立丘制

命帝卯行又尚書考靈曜曰丘生倉際觸期稽度為
赤制讖緯不經不待論而可知甚矣漢儒之狹陋也

孔子作春秋豈區區為漢而已哉

集古錄

魯相史晨等奏出王家敕祠孔子碑建寧二年兗州

金石

畧

右漢魯相晨孔子廟碑靈帝建寧二年立晨姓字見
於後碑此乃其所上尚書奏章蓋當時之制郡國不
敢直聞朝廷因尚書以達之也碑云到官秋享無公

出酒脯之祠自用俸錢以供祭祀知其為魯之賢相

也

金薤
琳瑯

此史晨上尚書奏章蓋漢制郡國因尚書以達天子
如今通政司事也晨初到官自出俸錢以供禋祀可

謂知尊聖人矣

石墨
錫華

觀此碑與置卒史碑略同知漢制郡國守相奏章雖
不得達天子猶得上書尚書府今一切格忌不得行
志所以古今不相及也魯相史晨當漢末季猶能上

書享祀孔子空府謁寺咸來觀禮合九百七人亦盛矣哉今時何可得也分法復爾超逸可為百代楷模亦非後世所及

金石史

史晨請出王家穀祀孔子碑八分書建寧二年三月今在曲阜縣廟中飲酒畔宮者泮宮之異文也益

州太守高朕修周公禮殿記亦作畔宮

金石文
字記

史晨饗孔子廟後碑

相河南史君諱晨字伯時從越騎校尉拜建寧元年四

月十一日戊子到官乃以今日拜孔子聖見闕觀式
路受跪既至升堂屏氣拜手袒肅肩後髣髴若左依依
舊宅神之所安春秋復禮稽度立靈而無公出享獻之
慶欽因春饗導物嘉會述脩辟廡社稷品制即上尚書
參以符驗乃敢承祀餘胙賦賜刊石勒銘并列本奏大
漢延期彌歷億萬

時長史廬江舒季謙敬護五官掾魯孔暘功曹史孔淮
戶曹掾薛東門榮史文陽馬琮守廟百石孔讚副掾孔

綱故尚書孔立元世河東太守孔雋元上冢士孔褒文
禮皆會廟堂國縣負允吏無大小空府竭寺咸俾來觀
并畔宮文學先生執事諸弟子合九百七人睢歌吹笙
考之六律八音克諧蕩耶反仄奉爵稱壽相樂終日於
穆肅靡上下蒙福長享利貞與天無極

史君饗後部史仇誦縣吏劉眈等補完里中道之周左
店垣壞決作屋塗色循通大溝西深里外南注城池恐
縣吏斂民侵擾百姓自以城池道濡麥給令還所斂民

錢材

史君念孔瀆顏母井去市道遠百姓酤買不能得香酒
美開於昌平亭下立會市曰彼左右咸所願樂

又勅瀆井復民飭治桐車馬於瀆上東行道宸南北各
種一行梓

做夫子冢顏母井舍及魯公冢守吏凡四人月與佐除
右史晨饗孔廟後碑前碑載奏請之章此碑叙饗禮
之盛其補墻垣治瀆井種梓守冢皆在饗廟之後其

字畫大小不等蓋史君孔林中事不一書也

釋 隸

碑以文陽為汶陽滯為孺度即薦字冗即冗字虐

即墻字壞即壞字廂即肉字

上 全

右史晨孔廟後碑載當時廟享觀禮者自長史李謙

五官掾缺孔暢而下凡九百七人可謂盛矣廟享之

後晨復修瀆治井及置守墓之人蓋不但如前碑所

云出俸錢以供祀事其有功於孔氏甚大而部史仇

誦縣史劉耽亦復補垣除道至通大溝則晨固有以

啓之也吁晨誠賢矣哉

金薤
琳瑯

又一碑紀晨姓字載當時廟享觀禮者九百七人復脩瀆置井及守墓人可謂盛事 余所收二碑在漢

碑中頗為完好前碑止缺十一字後碑止缺一字按都玄敬與楊用脩所錄前碑缺二字而後碑乃缺三字且前碑上尚書後有時副言大傅大尉司徒司空大司農府治所部從事等二十字而都楊本俱無之後碑又較二公多一望見闕觀觀字一享獻之薦薦

字豈都公所收偶是缺壞本揚公又從都公書中抄錄不及以碑証耶余生後二公而得見所未見為之

一快

石墨
鵝華

右漢史晨饗孔廟後碑予借自淵泉記室同諸家板本讀之俱不甚差異但此帙後有武周時諸人題名而洪本以下俱未言及之豈簡翁自別刻上得之而遂偶附于此耶抑諸君因其人而畧之也嘉靖甲寅

四月七日記

立牘
記

漢史伯時祀孔子有二碑前碑載晨姓氏爵里於建寧元年四月十一日戊子到官乃以今日拜孔子即修禋祀罷歛民錢後碑晨自出奉錢家穀以供禋祀於建寧二年三月癸卯朔七日上尚書時副言大傅大尉司徒司空大司農蓋古國有大造司徒司空通而論之晨不以案食小節自忽必上之尚書請之天子亦賢矣

金石史

史晨饗孔廟後碑八分書今在廟中後有武后天授

二年馬元貞題名

金石文
字記

魯相晨謁孔子冢文

右魯相晨謁孔子冢文已斷裂闕其上一段其略可見者云建寧元年三月十八日晨又云其四月十一日戊子到官謁孔子塚其他文字雖完皆不可次第魯相晨有兩碑皆在孔子廟中其一碑云臣蒙恩受任符守得在奎婁周孔舊寓又云臣以建寧元年到官其一碑云魯相河南史君諱晨字伯時從越騎校

尉拜以建寧元年四月十一日戊子到官然則斯碑
所載名晨蓋相史晨也

金石錄

漢故司空孔公之碑隸額闕里祖庭記云孔林有司
空孔扶碑碑錄云司農孔峽碑在仙源縣墓前建寧
元年立農峽二字乃傳寫之訛其文上一半皆已淪
缺僅存其下九行多者十有四字碑云孔子十九世
孫則泰山都尉宙河東太守彪臨晉令僖之從昆弟
也順宗紀陽嘉二年六月太常魯國孔扶為司空注

云字仲淵次年十一月免詳此碑之辭乃司空當國
時辟史晨之父為士曹屬東閣祭酒後三十有三年
當靈帝建寧之元年晨自越騎校尉拜魯相以三月
丙申受命四月戊午到官既謁先聖塚遂為司空公
刻此碑其文云五內慘惻霰然

缺

亾父見

缺

以云後昆蓋是懷舊

缺

非表阡納壙

之文也趙氏以為魯相謁孔子文當是不見其額之

故也

洪适
隸續

魯相謁孔廟殘碑

上許缺帝命策授俾相下吉月令辰欽謁下地龜缺

藏寶覽鴻基之曠蕩觀林木之窈下揚美風而動物和

陰陽以興雨假爾收仰下訪之儒彦稽之典謨聖德設

章先民有下左負櫟春秋烝嘗幾以獲福昔左周人下

成共立碑石因而銘之咸自紀藉天下

上史字封德東海沉基人下儒字仲睢東海郟

右無名碑首尾上下皆碎裂餘石纔有餘行詳其辭

非是諛墓中人者亦非頌德政紀工役之事前有帝
命策授俾相于魯吉月令辰欽謁十四字又云春秋
烝嘗幾以獲福蓋是謁廟之文後有訪之儒彥稽之
典謨聖德設章及昔在周人之句似皆是鋪張孔子
也中云覽鴻基之曠蕩觀林木之窈深似指孔林而
言或題為駐蹕亭前斷碑此亭蓋在闕里趙氏著錄
有魯相謁孔子碑而無其說疑即此也未有叔德仲
雅題名皆東海人而亡其姓碑以況基為祝其乃春

秋夾谷之地也 又以假爾為避通顏即質字

釋隸

文已殘闕碑云帝命策投俾相于魯吉日令辰欽謁

下存者八行共百七字兗州石氏題為駐蹕亭前斷

碑 復齋碑錄

孔廟碑

譙周云孔子死後魯人就冢次而居者百有餘家命

曰孔里孔叢子曰夫子墓塋方一里在魯城北六里

泗水上諸孔丘封五十餘所人名昭穆不可復識有

銘碑三所獸碣具存皇覽曰弟子各以四方奇木來
植故多異樹不生棘木刺草今則無復遺條矣

水經

注

漢碑

永壽三年故婺州從事孔君德於孔子墓祠壇前立

在仙源縣

天下碑錄

兗州

金石略

漢孔林殘碑

篆書碑石中斷字畫磨滅不可讀

闕里志

聖賢墓石

孔子墓前石壇刻文 子思墓西石壇刻文皆漢隸

字

格古
要論

古石壇刻文在山東兗州府泗水墓上

古今
碑刻

漢魯相韓勅復顏氏繇發碑

永壽二年

天下
碑錄
古今碑刻繇
發作徭役

永嘉三年立在兗州曲阜縣

金石
略

苦縣孔子廟碑

過水北逕老子廟廟北有雙石闕甚整頓闕東有孔子廟廟前有一碑西面是陳相魯國孔疇建建和三

年立

水經注



六藝之一錄卷三十六